


Pie'l Wapus Elist'g




1998 Listuguj Curriculum development
Original Illustrations form Nursery Tales by samuel
low company, Kenosha, Wisconsin
second printing - 1997
Revised by Listuguj Education,
Training and Employment 2021



Giju' Wapus getu'natanguat.

Gesgmnaq maja'sigw, na telimaji unjanji'jg,
"Mutt tami se'g 'lta'new!"

'Ms't wapu'si'sg mu elistua'tigul uggwijual,
pas'g eta newte'jit wapu'si's telwisit Pie'l.




Gisimaja'sinniteg uggwijn, na Pie'l eliet
'llutaqanigtug aqq a'sisapegit. Nemitog
iga'taqan ta'n etligwe'tij enmapejig aqq
pitlanji'jg. Negm na mawwipaji enmapejig.
Na eliet aqq najimijit. Tuma Maltan na ula
ugtiga'taqanm.



Na Pie'l mijjit aqq mijjit. Tewjima'mu-
natalg, 'lpa glapis gesnugwat. Na tujiw
teluet, "Nige' enmiei." Teligtu'maja'sij na
nemiatl Tumaal
wejgu'ennitl.




Tuma elg gisinmiatl Pie'lal etlatannitl ugtiga'taqanmg. Mu gesatmug Tuma, na poqt'tesguatl. Gesigawa'sit Pie'l najimimugwasit. 'Lpa Tuma mu gisiwe'jiagul.




Ge's Pie'l pemsmugwaj na e'nati
umugsnn aqq ma'w usgitqwanml.
Mu getu'apaja'sigw ta'n wejiep.
Na poqjijipaqa'sit.




Na we'jiatl samuqwano'qol aqq eligasit
na'te'l. Mu geitugup samuqwan
piteg aqq gisisqapalsitaq. Na nugu'
apajitualqapegit aqq se'g eliet.




Pie'l jipasit aqq musualatl uggwiji.
Ge's etliatasmij na apigji'j neia'sit.
Negm mu gisitaliapoqonmuagul
Pie'lal. Na nugu' Pie'l siawa'sit.




Ge's Pie'l pemsugwaj, na nemiatl
gajuewjl. Mu getu'gigja'sigw ta'n
eimnij muta jipalatl. Na se'g eliet.




Glapis gatu tepapt'g 'llutaqan aqq
nemitoq ga'qana'tas'g. Me' gatu
Pie'l welta'sit aqq smtug natg'g.



Tetapu Tuma Malтан app nemiatl
Pie'lal aqq app poqt'tesguatl.
'Lpa me'sietepna'tl. Pie'l
welta'sit gisijigla'sij na'te'l
aqq smtug enmiet.



Glapis gatu Pie'l wiguaq pegising.
Me' gatu welta'sit uggwiji nemiaj,
aqq elg Giju' Wapus welta'sualat!
Pie'lal.



Pie'l gispnet aqq gewjit.
Na elsma'sit unpo'qoneg aqq Giju'
Wapus ela'tuaji mlagejg. Wapg
teltugwiej Pie'l, me' gatu gesnugwat.
Angite'tg ta'n gistla'tegej ulagu.
Telimatl uggwijn, "Mesgeii Giju'.
App ma' listulnu. Gesalul Giju'."

